



Na osnovu člana 2.9 stav (1) tačka 2a i člana 14.2, a u vezi sa članom 1.14 stav (1) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 75. sjednici, održanoj 05. oktobra 2024. godine, donijela

ODLUKU
O ODGAĐANJU ODRŽAVANJA LOKALNIH IZBORA 2024. GODINE U
OSNOVNIM IZBORNIM JEDINICAMA U KOJIMA JE PROGLAŠENO STANJE
PRIRODNE NESREĆE

Član 1.
(Predmet)

(1) Lokalni izbori 2024. godine, raspisani Odlukom Centralne izborne komisije Bosne i Hercegovine broj: 05-1-07-1-619-1/24 od 08.05.2024. godine, čije održavanje je određeno za nedjelju 06. oktobra 2024. godine, odgađaju se na svim biračkim mjestima u osnovnim izbornim jedinicama, kako slijedi:

- a) Jablanica 126
- b) Konjic 127
- c) Kiseljak 115
- d) Kreševo 129

(2) U Osnovnoj izbornoj jedinici Fojnica 114, izbori se odgađaju na biračkim mjestima kako slijedi:

- a) 114A009 Gojevići
- b) 114A010 Dusina
- c) 114A011 Bakovići

Član 2.
(Datum održavanja odgođenih izbora)

Odgođeni izbori iz člana 1. ove Odluke, održaće se u roku od sedam, a najkasnije u roku od 30 dana, od dana koji je određen za glasanje na redovnim izborima, a datum odgođenih izbora bit će utvrđen posebnom odlukom Centralne izborne komisije Bosne i Hercegovine.

Član 3.
(Stupanje na snagu i objava)

Ova Odluka stupa na snagu danom donošenja i objavit će se u "Službenom glasniku BiH", "Službenim novinama Federacije BiH", "Službenom glasniku RS" i "Službenom glasniku Brčko distrikta BiH" i na internet-stranici Centralne izborne komisije BiH www.izbori.ba.

Broj: 05-1-07-1-2865-1/24
Sarajevo, 05.10.2024. godine



Predsjednica

Dr. Irena Hadžiabdić

O b r a z l o ž e n j e

Postupajući u skladu sa zaključcima usvojenim na 75. sjednici Centralne izborne komisije Bosne i Hercegovine, održane dana 04.10.2024. godine, a u vezi sa razmatranjem stanja u osnovnim izbornim jedinicama pogođenim vremenskim nepogodama, izvršena je realizacija usvojenih zaključaka.

S tim u vezi, razmotrena su dostavljena obavještenja i informacije zaprimljene od nadležnih tijela u Bosni i Hercegovini, kao i od izbornih komisija osnovnih izbornih jedinica u Bosni i Hercegovini.

Na osnovu naprijed navedenog, utvrđeno je da Lokalne izbore 2024. godine, raspisane Odlukom Centralne izborne komisije Bosne i Hercegovine broj: 05-1-07-1-619-1/24 od 08.05.2024. godine, čije održavanje je određeno za nedjelju 06. oktobra 2024. godine, na taj dan nije moguće održati na svim biračkim mjestima u osnovnim izbornim jedinicama Jablanica 126, Konjic 127, Kiseljak 115 i Kreševo 129, te na biračkim mjestima 114A009 Gojevići, 114A010 Dusina i 114A011 Bakovići u osnovnoj izornoj jedinici Fojnica 114.

Kako u trenutku donošenja ove odluke nije moguće odrediti tačan datum održavanja odgođenih izbora u naprijed navedenim osnovnim izbornim jedinicama, to je odlučeno kao u dispozitivu.